



徂徠集

詩部

五之七

服部文庫
117
724
3



417
724
3

徂徠集卷之五

物茂卿著

七言絕句一百十六首

春日上樓

落日高樓俯碧雲。關中春霽望逾遙。把杯意氣千秋色。獨看芙蓉白雪驕。

少年行

獵罷歸來上苑秋。風寒憶得鷓鴣裘。分明昨夜韋娘宿。杜曲西家第一樓。

正月十日作
嘗說漢家恩澤疎。金莖不到病相如。從今中使茂陵
路。封禪誰求死後書。

明妃曲

爲寵單于不許還。還鄉路是漢蕭關。妾顏今日自堪
恨。敢恨黃金誤妾顏。

緋桃栽得家字

聞說阮劉憐此花。天台山上赤城霞。栽時莫近清溪
水。仙女春來多憶家。

得縣先生書却寄二首

周邦多士意茫然。夜奏幾回煩司天。文若于今猶著
膝。剩看西北一星懸。
曳裾一時亦盛哉。上邦授簡大夫才。如今老舊西園
淚。多是山陽笛裡來。

野次公果然以野味二品遙致作此爲謝二首
一諾曾留問字年。銜杯意氣爲君憐。開緘莫是鄰家
肉。孟軻從來有母賢。
嘗誦徐卿擊鹿行。銅盤共飲代興盟。卽今疾足死君
手。來贈當年歷下生。

予嘗發書海內諸名公便輒下世矣二首

徧抱朱絃覓子期。白雲到處渺成悲。自遊不是人間
調。彈向夜深明月知。
落落神交只自論。誰知後死與斯文。太玄縱有侯芭
受。還可千秋待子雲。

偶作

匣裡龍泉風雨悲。自知神物識人稀。豐城夜夜干牛
斗。悉道吳門匹練飛。

峽遊雜詩十三首

留別諸友生

峽邨詞臣使峽陽。邨中年少淚沾裳。殷勤錯勸歸來

早。不識峽陽非異鄉。

小佛嶺

鬱翠北來連函關。一條峻嶺限東寰。下時更問嶺西
路。九十六盤還自艱。

踰界河

土人爭看傳車間。塵尾遙麾落日間。自古峽陽應罕
見。風流使者訪名山。

望天目山山有梵音洞

天目山頭雲氣迷。駐轎鶴瀨驛橋西。梵音尚道鬼神
聽。應有雨花流出溪。

鶴瀨關

近聞山犬夜無聲。百里鷄鳴達府城。隨例晨門應早
掩。關河空負兜巖名。

竹林門觀瑞芝

竹林傳是地仙居。芝草至今燁雨餘。會有高人來採
藥。不勞賢主走安車。

夢山

誰把華胥國裡山。移來城北傍雲關。箇中安得逍遙
枕。應有路從二島還。

城西竹林中謂是昔時美人所居

蕭然竹樹故城西。小路縈迴野鳥啼。且訝百年留遺
艷。石間紅葉使人迷。

躑躅崎

斜隨山徑陟崇丘。躑躅崎頭想舊游。記得曹王橫槊
事。英雄自古有風流。

潮河橋上解嘲

悉危風吹欲墜橋。騎鯨李白世非遙。飄然欲訪蓬萊
路。休道鯁門不上潮。

出村口

行過峽口馬如飛。回首桃源隔翠微。黃髮垂髻今尚

在依佈指說觀花磯。

還館作

甲陽美酒綠葡萄。霜露三更滿客袍。須識良宵天下少。芙蓉峰上一輪高。

都留絹

天孫曾下士峰陰。竹裡藏身機杼音。一自仙翁剖開後。尚留花樣到如今。

新歲偶作

江城初日照芙蓉。西望函關白雪重。無限武昌郡中客。陽春一曲少相逢。

閒曹無事加以懶。惰性復怯寒臘後。率擁爐。鼻車。對。軒。以。至。今。日。

車馬春風滿五陵。雄藩多士氣如蒸。無端被道袁安似。一臥雪中猶未興。

移居之夕東壁以長卿見比次韻答之

中歲相如多病居。茂陵又是徙琴書。上林狗監今亡矣。不問何人說子虛。

次韻有鄰新歲作

畫舫青樓古武陽。紛紛誰不醉金觴。何人商略春風面。解道梅花更有香。

玄上人見寄次韻却示

便似神鸞却望梁。華陽洞畔楚天長。吾家別有千秋藥。沈澗還它地仙腸。

奉和琴鶴堂主中秋瓊韻

瑤琴玉軫鼓三行。白鶴飛翔玄鶴鳴。此意只當明月識。中秋一夜爲君晴。

偶題

昔道長安似奕棋。請看今世亦如之。何知老拙都無事。歲去歲來徒咏詩。

題老列莊像三首

藏書問禮我師師。紫氣關門那得知。不是猶龍能變化。彭聃到底使人疑。

老來放縱不知非。只好婆娑弄落暉。昨夜扁舟乘雪去。傲然謂是御風歸。

春風日日興翩然。不但憐花蝶可憐。便向花間移榻臥。更憐傲吏似誰賢。

春杪義空師將有西京之行留惠阿刺吉酒所盛亦西洋玉壺作二絕餞別且謝

飛絮紛紛黃鳥斜。暮春行色映袈裟。慙慙少住借春去。已到洛陽看幾花。

紅毛酒貯碧琉璃。留我一壺琥珀疑。欲縮春風歌離別。君家甘露灑楊枝。

少年行

年少聰明勝阿爺。早知身世等空花。呼盧百萬揚州去。二十四橋是吾家。

山房春事

山房春月映沙洲。忽憶梅花問上流。待有鄰翁攜酒至。門前且繫木蘭舟。

石原山八景

山東沃野

石原山後萬家煙。石原山前綠疇連。爲緣養父嘗名郡。孝悌力田傳漢年。

箕川清泉

漣漣箕泉抱石流。一瓢誰此掛清秋。因疑巢父牽牛地。還屬扶桑但馬州。

櫻溪遠花

總說山陰晉代彰。櫻溪禊事自洪荒。假饒會稽誇觴咏。能有繁華萬樹香。

杉間秋月

山因帝釋似須彌。半夜琳宮月上時。萬樹風杉遮不

名德集 卷之五
盡重重葉葉網珠垂。

嵐峰紅葉

夜夜嵐峰嵐深成。峰峰錦樹錦逾明。何人裁作袈裟著。爲謝諸天大有情。

四山晴雪

溪巒雪霽畫圖開。謂是山陰道上回。直置應酬無復暇。恰如乘興夜舟來。

霧海朝暾

浩浩雲波訝陸沈。俯聽萬籟似潮音。須臾日照千山出。寺在蓬萊第幾岑。

北溟眺望

蹴雲遠浪散天華。帝釋臺頭眺望賒。千丈丹梯何處所。倚身北斗問仙槎。

服生詠白菊有花中白面郎語戲次韻却寄

貪者東籬色似霜。風吹岸幘落何妨。漸誇髣髴堪相鬪。不謂花中白面郎。

題畫二首

列子冷然知所稀。御風一去未曾歸。寥寥天路終何限。咳唾今應作雪飛。

日日春風傲吏家。醉看蛺蝶映簾斜。縱論物化何能

識我意翩翩只在花。
奉別琴鶴君侯就封下館城十絕句

憶昔前朝侍從班。金鑪玉案殿中間。如今始識諸侯貴。擁傳東方千騎還。

五馬春風草色繁。關中千里盡平原。迢迢大道知如髮。攬轡休歌行路言。

專城元自列侯尊。况有松楸百歲墳。路過中山須勞問。昔時父老幾人存。

驪歌嘈囀起華堂。日暮春雲映酒觴。莫做尋常揮別淚。君侯封國豈他鄉。

楓葉應迎朝覲日。楊花相送陞辭春。寧論鴻漸當時翼。猶自去來稱雁臣。

龍去白雲年歲深。經筵謦欬昨猶今。聞說郡山蒼草秀。應思周易聖人心。

布衣金馬橫經年。遙望貂蟬傍御筵。萬事難言温室樹。誰知此別轉茫然。

臨別瑤琴殊有情。停杯偏惜和歌聲。莫言此去無人。和城外高山筑是名。

行春到日麥纔秋。臥閣青山擁上游。揮罷五絃時一望。南薰起處夏雲流。

風流何忘醴筵裾。自此寂寥揚子居。春盡縱無南去
雁。爲君能惜武昌魚。

次韻芳檐子侯冬曉之什 五首

園林簌簌不知冬。夜宴彈殘風入松。竹火籠灰侍兒
睡。忽聽城上五更鐘。

攏月瓦霜寒弄冬。西園仙籟滿杉松。五更夢斷何情
沉。一樣花時長樂鐘。

曉圍暖閣最宜冬。寶鼎仙芽瀟尾松。非因公子憐幽
趣。不信人間夜半鐘。

佳人一曲奏玄冬。響遏行雲陰砌松。頗訝鏗鏘非俗

調。鳳鳴十二是黃鐘。

夜繙文史臥三冬。慣聽清霜下曉松。寧道郢歌元易
和。幾回深省發晨鐘。

擬苑中值雪應制

人間白雪剪仙霞。天上陽春滿帝家。何翅郢歌高授
簡。已看羯鼓巧開花。

田家卽興 二首

田家女子厭蠶桑。多學東都新樣粧。恰是年年官債
重。賣身好與冶遊郎。

春風村落沸繁絃。日日江東米價賤。爲是昇平多樂

事。還教父老恨豐年。

郊行二首

日落平蕪匹馬忙。燈光遙指國門傍。前朝使者埋輪處。却是郊原少虎狼。

千里春蕪樵子歌。如今半是綠疇波。漢家近日弘羊貴。何處斜陽牧笛多。

秋江送別

白露青楓兩岸秋。無窮別恨滿中流。何堪明月潮生早。望斷蓬萊仙子舟。

折楊柳

章臺春色滿楊柳。攀折一朝屬君手。何愁明日西風吹。顏色從來難保久。

同賦美人書眠分韻鬟字

聞道君王獵未還。水晶帳外露雲鬟。楚宮雨過巫山暗。料識香魂不冝閑。

畸賞中收江若水詩時值其求和因和寄韻

仙子蓬萊正似雲。誰家青鳥不殷勤。何知今日華陽洞。位業圖成只著君。

池帥臺寄紅葉需詩值吾有渭陽之感吟不能

成調

名苑槎枒醉朔風。折來遠寄一枝紅。秋霜未說空中色。相對還知色即空。

宮詞

萬幾一日正紛綸。久倚經筵生黯塵。莫是內官蒙譴責。朝來忙召翰林臣。

奉和亞槐藤公富士二什

白雪玲瓏照大東。仰頭只看蔚藍重。料知中貯神仙藥。海上三壺總一峰。

佳人絕色立東方。西顧帝京應有光。那得山雲白如許。雪膚映徹素羅裳。

前韻再賦

纔含函蓄大洋東。葉葉玉葩知幾重。千古海風吹不破。只看天際最高峰。

青蓮八面自無方。白雪四時渾有光。海日照山雲五色。持還好補袞龍裳。

孤山丐梅花冒雨折一枝。畀之有詩見謝比和

答成却值桃花盛開二首

雨雨風風為惜春。折梅不惜與騷人。攜歸縱墜紗窻下。猶與君家詩卷親。

梅謝桃開次第新。清香不斷小園春。誰知近更風流

甚。醉藉庭花不戴巾。

成慶上人簷栗

百萬思歸淚水東。蔽天旌旆夜鳴風。何人却采殘竿
鐫。留將壯心滿箇中。

看調馬

圉人雙控內閑來。噴玉噴沙桀驁哉。近說漢家却千
里。勸君努力學駑駘。

丹侯臺忽顧草堂。且有暖帽之賜。青皂各一漫
裁三絕奉謝。

漢家太守是諸侯。底事還從酒客游。應爲門前栽五

柳。今朝繫得五驂騑。

忽簇千旄映郭流。馬芻奴飯貧家愁。攜來似是陽春
色。拜賜偏歌白雪酬。

似怜春寒便怯游。映花却詫是風流。青巾皂帽戴俱
好。免使黃鸝笑白頭。

丹侯辱賜和章。忽值情鍾之感。再依原韻申謝。

因兼自意二首

乘春車騎似尋侯。謂是夷門公子游。何限燕臺千里
骨。錯知伏櫪有驂騑。

忍着五雲槭裡流。掌珠黯淡忽成愁。自是朱絃難作

調欲將白雪若為酬。
翩翩白雪趁春游。一夜吹成哀響流。寧為東風多變
調。從來此物易盈頭。

吉臣哉歌國風二章見慰因依其韻自攄非酬
也

歌罷鼓盆知一時。中年却作西河悲。歸家只是無歡
樂。騎馬出門何所之。
黃鳥哭花花泣露。尋常草色似墳墓。始訝掌珠光許
多。青春到處總成暮。
此事何關白雪高。淒然一似讀離騷。相憐知是君同

病哭兒哭妻到二毛。

絕句二首因丹侯需酬鈴周菴次韻見寄

聞道君卿鯖五侯。年年芝木採芝游。朝來醉罷屠蘇
酒。去映紅顏逐紫騮。

影照牛門抱郭流。誰投白璧雙雙愁。近來淚與掌珠
盡。縱是鮫人能可酬。

都門笙鼓動春游。只自郭村看水流。莫恠新聲多厭
聽。庭花昨夜落階頭。

歸雁二首

春雁連翩楚水涯。何人停瑟一聽之。依佈寫得聲聲

怨却是湘妃不禁悲。
置酒高樓雁北飛。江南春色又芳菲。那能不起故園意。每值花時見爾歸。

涼州曲

千里風沙飛鳥迴。玉門關外古輪臺。猶聞昨夜涼州曲。天馬大宛從此來。

塞上曲分得南字

風吹貂帽雪毵毵。胡馬千群大漠南。喇叭齊聲中夜起。將軍營裡宴方酣。

六義園奉陪國子先生

是日園林天氣清。款留國子老先生。何堪山鳥無情思。忽喚不如歸去聲。

丁酉元日展先墓途中從城南却望氣色佳甚

偶爾口占

回頭直北鬱葱哉。漢殿秦宮髣髴開。因憶文皇登極日。代來誰似賈生才。

奉和丹侯韻

誰奏陽春動大東。王侯第宅自雄風。何來白雪紛紛集。坐使江城似郢中。

西畿人有求學詩者教往江若水

草罷玄經枉自誇。遂教問字不辭譁。何知司馬相如後。猶有華陽賣酒家。

遊山寺次韻主人

驚看長珠停晚開。就鳥峰春色座中來。上方何慮到昏黑。歸路別攜明月回。

理國手詩後繫以桃仙咏。是自閬苑妙侶仙凡境。殊能得羨乎。因再和理翁韻以成理翁趣。已五畝蓬蒿兩部蛙。自誇鼓吹德璋家。何知採藥桃源客。飽聽仙歌日每斜。

題藤理菴卷

稷下聲名自古聞。雕龍炙轂日紛紛。最憐侍宴歸來晚。懷肉還應餽細君。

增祿五百石口號

五百曼容未輒辭。謝恩縱是折腰時。勝如方朔長安米。三尺侏儒九尺饑。

芳洲攜子至

高山忽值子期難。此時草堂氣象干。况復掌中珠一顆。攜來借與病夫看。

次韻服子遷雪中寄示

枚乘才氣本翩翩。偏讓梁園授簡年。曾謂廣陵不如

雪人傳八月觀濤篇。

又次感懷韻三首

曾上襄王百尺臺。二千珠履照筵開。祇今只有行雲色。猶自朝朝暮暮來。

由來才子傲詞林。一入侯門便陸沈。不是梁園人散後。相如始有倦游心。

花照玳筵風不寒。綵毫曾奉主公歡。今宵對酌西園雪。只得應徐意氣看。

又次韻贈桃仙女史作

曾在君侯首重廻。瑤池歌雪自仙才。只今應識神游

地。弱水那邊何處臺。

又次韻贈理翁作

花時絃管不思鄉。侍宴那知雙鬢霜。一夜梁園風雪起。解言為客意淒涼。

又次送人之峽韻

匹馬嘶霜曉色寒。都亭尚是尋常看。崎嶇西上青天路。始識今朝離別難。

翻欲結今時轉眼轉

四無柳露與色寒。晴亭尚具華宮意。西土青天

又次送人之死贈

珠網言為客。意氣

非報慈。豈不思。職。封。宴。雅。味。雙。寶。露。一。文。彩。圖。風。雲

又次贈觀野餘於作

徂徠集卷之五

徂徠集卷之六

人不痛阿。請。字。莫。愁。

物茂卿著

梁。且。一。梁。十。古。觀。軒。臺。吹。畫。天。懸。代。十。三。十。四。會。獻

七言絕句八十七首

次韻岡孝祖新年作

都下春風吹酒壺。蹋歌蹋鞠日堪娛。誰如十五名家子。開口自稱千里駒。

奉和琴鶴侯上日瑤韻

朝天曙入彩雲寒。二殿深沈雪未乾。但使春風吹五馬。不論昔日是何官。

奉和樂壽君侯早春高作賦落梅花

張宴梅花古樹東。泛觴美酒映春濃。忽憐片片隨風去。吹入誰家玉笛中。

洞雲老禪覓夢富山詩

莫謂禪師枉好奇。徧求夢見富山詩。千秋人賞千秋色。可知覺時是夢時。

留春館小集同賦莫愁樂

乘月雙槳下石頭。樓臺如畫是揚州。十三十四富壚女。不識阿誰字莫愁。

答備州故人鞞浦看月見寄

備西城上落秋風。雙鯉方驚下碧空。羨爾絃歌舟裡曲。及看明月映丹楓。

送人謫薩州

漫漫滄海迫門開。逐客扁舟風雨哀。從是千秋誰事業。堪憐諫獵不群才。

故人在長門今年未歸

江東昨夜子規飛。五月堪悲人未歸。回首赤間雲萬里。空看夏樹照斜輝。

同孤山遊蓮光精舍分韻

竹院鶯啼白日閒。寥寥一似沃州山。相逢只得稱支

許不厭來還醉夢間。
鶴林斜日此經過。篆影茶烟幽趣多。談罷欲眠風榻上。不知身世在娑婆。

元是狂言綺語人。誦經念佛竟何因。時緣玉版參禪味。得與東坡作後身。

李白觀瀑圖

匡廬瀑布三千尺。李白題詩映紫烟。知是騎鯨從此去。至今山色似青蓮。

送人之備前州

錦帆歌吹去何之。黃備山頭月似眉。知為州人題范

蠶。木蘭舟裡著西施。

美濃國人七十覓詩

憶昔濃陽養老年。皇家孝思上通天。醴泉如醴君能飲。今壽七十到八千。

奉和琴鶴君侯中秋無月高韻

簾垂桂濕夜涼侵。銀燭含情誰與吟。自是駕虹人不返。霓裳隱隱鎖秋陰。

絕句二首寄智通尊者尊者隱西山中書王故棲處

京城西望鬱嵯峨。拄笏千官不肯過。誰道菟裘成賦

後近來爽氣爲君多。
京洛人來每問君。西山遙映望難分。祇知尊者焚香處。落日氤氳結作雲。

子徹寄絹求予書舊時詩其詩逸矣復求文對
文變二書亦已焚草因作二絕題上
避暑逃人竹樹林。祇知散帙網絲深。新涼掃榻還料理。吹落秋風不可尋。

洛陽才子遠相求。卧病文園經幾秋。縱及相如猶未死。封禪寧向世間留。

奉和丹侯之國途中作四首

五馬驕嘶競上程。迢迢百里似砥平。笙箏屬栗高聲散。幾客相逢能不驚。
雨天農桑綠滿疇。褰帷到處若爲愁。料知身作公侯貴。能耐瞻雲回首不。

高蓋光輝驛路頭。風塵孰與共悠悠。山回樹隔前驅過。遙指綵雲迎日浮。

到處笙歌人悉羨。離家尚道憶家頻。須知負弩三千客。幾箇南望不濕巾。

蓮光寺即興和吉生

祇林秋色幾回游。詩酒因君此最幽。謾說虎溪今更

醉遲遲能學淵明不。

又和主人

寶樹陰陰隔世塵。維摩來此是誰賓。醉拋麈尾臥何妨。且詫無言轉法輪。

美人中酒

曾詫阿真嬌欲仙。教看此態更堪憐。何須徐整雲鬢後。纔說海棠眠未圓。

美人分香

春徑採香西日曛。館娃宮畔女如雲。譁然爭惜宜男草。挿在中懷不肖分。

妾薄命

顏色未曾知至尊。長將聲技奉陵園。還疑銅雀君王意。不道分香不是恩。

岡崎侯陞西京留臺醫士東伯通從行詩以贈

之二首

聞說長安多貴游。四時絃管帝王州。相逢倘問東方勝。海上芙蓉初日浮。

驕霜五馬氣翩翩。道是府公分陝年。此去憑君醫國手。春風合在棠梨邊。

江子徹已移居平安書來欲東者屢矣而不果

也絕句四章促之時予得猗蘭古曲

聞說琴尊辭故鄉。白雲秋色帝城傍。問君獨看長安

月。何似鄒枚在大梁。

風流爾愛洛中居。織錦坊西一寄書。為問天孫新泣

月。近來花樣竟何如。

為知流水似君稀。久拂朱絃理玉徽。儻問千秋吾道

意。猗蘭一曲與誰歸。

似報布帆曾已懸。綠何書劍滯三年。子雲故愛侯芭

酒。不但玄經待爾傳。

宮怨

不恨往時辭輦心。長門苔色歲年深。無端忽憶當熊處。鼓角聲遙遶上林。

游蘇迷分韻行字

城北看花乘晚晴。不堪吟罷坐吹笙。興酣何識遊人盡。又向彩雲深處行。

送香洲律師

忽辭奧北毛人家。謾說洛陽行看花。却識禪心無染着。烟霞隨意惹袈裟。

楊柳枝二首

十二樓臺瞰碧流。樓前楊柳照駝裘。那堪驀地春風

亂欲繫驂騑不自由。
門前楊柳著春烟。高拂欄干低拂船。不謂年年多拗折。只言去住總堪憐。

游傳通院

冏公幽迹本離羣。主第風流傍古墳。終聽鶯鳥聲無伴。侶。故教笙吹遶春雲。

奉懷猗蘭藤侯

驂驪五馬照天涯。南國風流此一時。總怪名山雲氣異。磨崖新勒使君詩。

奉和猗蘭侯見懷二首

名山如畫點微茫。五馬南州日眺望。知是接羅堪倒着。教人遙羨使君狂。
使君宴會日憑高。競爽千山賦筆勞。說起牛門何得似。援琴祇自寫松濤。

雪中呈潮尊者併柬石君聞尊者時在石家
平臺彷彿昔時寒。獨自相如醉倚闌。爭似維摩方丈室。有人共作雪山看。

潮師石君偕賜高和再用前韻奉呈三首

梅花紛落雪花寒。二月園林春色闌。何物瓊瑤真作幻。更憑師向定中看。

右潮師

舫船棹罷不知寒。何處樓臺十二闌。知是銷金帳畔雪。蕭然今作雨花香。

右石生

尊者衣珠烟轉寒。徵君綵筆與何闌。總嫌春色須臾盡。雙壁聯翩投我看。

右併謝

下館藩臺有對梅。一絕謹同其韻率成四首
佳人寂寞倚東榮。瀟灑風標誰敢爭。獨有梅花堪鬪色。嫣然含笑對三更。

隋珠落紙擘春榮。知是梅花色不爭。携去柴門如白晝。已疑明月照三更。

漢臣侍從最恩榮。抗疏前朝意氣爭。今日郢中應寡和。自歌白雪到三更。

幾回玳席醉南榮。好客翩翩世莫爭。我愛侯家投轄意。任它人喚作三更。

春日君瑞叔潭潮師子和集分韻青字

城南草色欲青青。二月春風揚子亭。不是侯芭能載酒。至今寂寞太玄經。

和越君瑞韻

避人此處卽商顏。洗竹灌園事事閑。不妨裘羊時見
訪。尋芝共問雨餘山。

次韻大潮上人春日見寄三絕

洞中垂柳靜春風。不繫五陵游子驄。何物絮裝來映
好。世雄不是世間雄。

少年意氣賦三都。回首春雲渺太虛。何似啜茶脩竹
裡。聽君朗誦竺乾書。

蜃氣海中吹作臺。層層帝網映波開。知師深夜窺春
月。訝是衣珠烟爾來。

西臺侯席上作二首

玉椀傾來琥珀香。漫誇公子愛清狂。不知珠履三千
客。誰佩酒泉太守章。

春醪色似鬱金香。嘗罷誰能不發狂。莫怪馮生彈鋏
起。曼聲忽斷却成章。

明日因前韻作呈西臺侯

懷裡深藏錦字香。回頭昨夜若爲狂。不堪醒後相思
甚。對月高歌窈窕章。

送赤川生西歸并簡次公

都下風流總是賢。君今底事倦游旋。同人最有名山
志。却又周南滯幾年。

奉和猗蘭君侯韻

夏木草堂青黨天。開樽誰似使君賢。蘭臺賸有歌餘
雪。相逐雄風入五絃。

謝鈴青蘭惠雉

遠勞下物墜雲間。醉殺堪歌雉子班。却憶君家妻小
笑。雕弓日日如臯還。

次韻紫玉師見寄

道人惠我白雲篇。清似秋山晴後泉。爭奈泉流無已
日。白雲來去不期年。

春宮怨

鸞鏡朝朝泣粉華。怪來六院忽喧嘩。笑它十歲新天
子。解道阿嬌美似花。

餞潮上人席上和石默齋韻

蹢躅百衲且裴回。六月涼飈漫莫催。明日冷然飛錫
去。望中只得白雲來。

同前分韻分字

落日映筵停白雲。離歌莫道不堪聞。假饒別後登高
望。九點蒼茫何處分。

江子徹移居西山有詩求和不可成又求扁
字迺書翛然亭三字繫之以此

君道長安但苦閒。倏然一去向西山。西山日有烟霞
侶。携手采薇終不還。

同賦折楊柳城字

春風柳絮別京城。直置行人難做情。叵耐誰家將鳳
管。慇懃弄到折楊聲。

同前西字

酣歌今日莫教低。兄弟相酬意不迷。縮折垂楊歸去
盡。陽關只在渭城西。

同前生字

置酒郵亭送遠征。絃歌嘈雜變離聲。可憐柳絮吹皆

落。只得行人白髮生。

猗蘭君侯述職新。來是日儼集草堂分韻陽字
隔年五馬此傍徨。興發何嫌風雨狂。自識使君杯不
淺。座中依舊總高陽。

七月既望同人集焉。時子和甫就羈絆。不能即
來也。途值岡二。急探諸懷中。取一白扇授。以致
語。善爲我報諸君子。吾之所以代吾者是已。衆
聞之齊笑。狂奴故態哉。眎扇上有詩佳甚。願其
上官之後。未有一言以申賀者。因共次其韻爲
贈云。

牛門詩酒值涼回。忽報相如讌趙臺。應喜連城十五
價。遙將明月座中來。

余五十也。五城左容翁惠詩。侑以二物。仙臺地
靈。故當有此風流人矣。不勝千里之恩。併和其
近作。共四首酬之。豈謝云乎哉。

吉光片羽忽從風。謂是遙來丹穴東。十二樓深仙子
住。相思欲往路無窮。

右謝王元美墨蹟

誰探玉女洗頭盆。中有千絲白髮存。不知仙人憂底
事。將憂相送至護園。

右謝白石雲麪

七十二嶼吮毫遲。一生雲色逼幃幃。總訝蓬萊堪寫
贈。不知瀛海是盆地。

右謝自製松島圖

雨歇牛門石氣青。浩歌三日酒方醒。何來仙鶴鳴過
我。欲和餘音繞窈窕。

右謝壽詩

猗蘭侯東壁。文安集草堂。分得浮字時。適得中
華酒器呈玩。

春醪色逼黃鸝留。應妒諸君筆似流。千載謫仙鷺鷁

往後集 卷之六
杓座中却合向誰浮。

小集東壁不來

吾黨佯狂總是賢。翩翩一似建安年。風流別有禰衡鼓。偏奏王侯何處筵。

春分陪西臺侯遊驪山分韻

高臺宴罷散珠蹄。才子多情醉欲迷。不惜櫻花飛作雨。行雲本在驪山西。

謝朴堂上人惠青玉笏

高僧贈我青玉笏。謂是玉皇案頭物。欲酬一語還自疑。五十年前都恍惚。

次韻稻子善作五首

天半蛾眉難可攀。千年積雪至今寒。西眺何限浮雲色。終是無人子細看。

天祿石渠元擅時。彫龍炙轂各爭奇。何知老子都無事。日日吹笙坐似箕。

漢室中興日月開。昇平四海豈無才。久聞西土文翁化。果爾相如自蜀來。

一片征帆度赤間。廣陵千里夜揚瀾。疑君起色遙相贈。月滿柴門不肖關。

遶郭紫烟滄海流。啣不盡落日望悠悠。君如有意芙蓉

色何惜吾家白雪樓。

歲暮諸君子見臨探字述懷

可堪衰白自相仍。悵望五城樓幾層。九轉丹成嘗未敢。枉教鷄犬踏雲騰。

豫侯訪著園席上分韻來字

日日臥游人自回。柴門一閉為誰開。尚餘壁上名山響。却引風流刺史來。

徂徠集卷之六

徂徠集卷之七

物茂卿著

七言絕句一百十八首

奉訪琴鶴堂看櫻桃偶值有風不得縱觀聊作
侯家草樹自光輝。況是櫻桃花未稀。境似神仙還可
恨。乘風欲作綵雲飛。

春日本法精藍偶作

遠公精舍聽啼鶯。酌酒還憐遺世情。若識廬山斯處
是。何妨春日著淵明。

送蔚宗游函谷 二首

平安大道直如絲。處處秋風征馬悲。君去吹笳函谷曉。何人不起故鄉思。

蓬萊仙子騎龍還。千歲長留玉笥山。笥裡白雲今猶在。君能持贈與吾看。

謝平子和惠甜瓜

嗟君輿疾訪林丘。落日論詩遂未休。自有滿籠青玉贈。風流更憶鄭瓜州。

從軍行得城字

黃雲霾日長安城。白羽紛紛募漢兵。聞道交河三萬

里。揮鞭直踏層冰行。

聞豫州雲州二使君訪集琴鶴堂互有唱酬披

閱麗藻不勝歆羨率奉嗣響

聞說後園花盛開。翩翩裘馬集平臺。櫻桃偏許風流似。綵筆先搖鸚鵡盃。

是日諸子來集吟哦方盛德夫子帥伯錫乃作樂相聒子遷不忿嘲以詩則援毫答之於是笙笛之聲遂停故予從旁和其韻戲之。

管絃詞賦本齊名。逸響奇思相競生。豈意金聲忽擲地。一時彩鳳便停鳴。

初秋陪蘭臺宴奉次高韻是日涼甚肺病頓蘇
得非恩賜乎

鈞天廣樂此移懸。不雪將歌黃竹篇。縱是楚臺淒切
甚。雄風得似使君賢。

擬送人謫羽州 三首

聞說東行千里艱。秋風纔到白河關。迢迢君更過關
去。朔雪紛紛滿羽山。

一別刀環那可期。東荒自古羽山悲。加餐儻有毛人
問。但道生逢堯舜時。

知爾聞笳塞上愁。寒雲遙暗故園秋。石弩拈矢黃毛

隊冒雪時猶獵羽州

季冬十九日。豫侯宴予猗蘭臺上。其夜雪矣。則
予稱詩曰。美人歌裏來也。侯迺賡韻。爭謂惜湖
樓上物哉。越廿六日。侯再開宴。而予疾作不克
趨也。則至夜又雪矣。於是乎侯亦遂難於謙讓
耳。東壁傳示侯詩。調高而不可和乎。聊易絃成
一小歌。馳价送之。俾奏諸其臺上焉。爾乎。

君侯妙解弄瑤徽。許我陽春和者稀。請看猗蘭臺上
曲。果然白雪爲誰飛。

東爽鳩子方

牛山無日不絃歌。世上空聞涕淚沱。君自爽鳩諳故
事。爽鳩之樂竟如何。

豫侯將之封河內。走李就予互換琵琶口占一
絕奉呈

來換琵琶意可嘆。雙旌一去會顏難。儻生天際真人
想。兩地各抱明月看。

西臺左元錫溫雅士矣。當侯之見枉草堂也。元
錫携詩相示焉。則一時草草不遑酬答耳。今聞
其從侯西歸乎。迺有此和。

千騎從行向斗邊。知君何處倚龍淵。秋高紫氣雲間
起。正是西臺醉勝筵。

某人送彩牋求詩

朱絃玉軫每相携。一曲楚歌春日西。只擬彈成堪自
愛。何料君送錦箋題。

送奧僧大潮東歸

聞君歸去與誰遊。風雨蕭蕭五月秋。爲問富春山下
客。祇今猶自着羊裘。

畫梅

徒說江城吹笛愁。長看疎影照牀頭。向風忽念他鄉
客。欲折南枝不自由。

琴鶴君侯惠擊夫筆聊賦一絕奉謝

使君才氣本翩翩。惠我綵毫稱擊夫。何解病夫春更
嬾。晴窗臥寫白雲篇。

容城春日草堂小集諸君阻雨多不至分韻林字

世事參差阻盃簪。蕭條雨色暗春林。何人最看梅花
落。遙想牛門笛裏音。

春日草堂小集奉次豫州滕侯瑤韻

五馬新回桂水頭。携將明月照春浮。遂教歲歲金盃
畔。偏憶天河秋色流。
桂水天河皆侯封境所接地

東都四時樂

東叡山頭花似氛。東叡山下雪紛紛。笙歌千隊齊聲
唱。那得暫時停白雲。

兩國橋邊動櫂歌。江風涼月水微波。怪來岸上人聲
寂。恰是扁舟仙女過。

秋滿品川十二欄。東方千騎簇銀鞍。清歌一闋人如
月。笑指滄波洗玉盤。

澄江風雪夜霏霏。一葉雙槳舟似飛。自是仙家酒偏
醉。無人能道剡溪歸。

奉和琴鶴君侯上日瑤韻

敞開鈴閣轟清晨。嘆息前朝侍從身。閣下長槍如

柳葉何曾雨露始尖新。

洛梅花分韻思字

江梅爛熳著花時。江上佳人有所思。日暮還將橫笛奏。何知吹落幾枝悲。

送香禪師還奧

揭來紫氣映江關。一笑翩然復東還。謾道禪心無所着。白雲偏解遶名山。

寄富春

海外金華映十洲。羊裘穩坐木蘭舟。知君不是釣名客。日日猶應垂直鈎。

寄左子巖

海內風流總競雄。誰如好事左容翁。贈吾一幅瀛洲畫。恍若二年在奧中。

鎮西教授竹君。損軒先生高第也。予自少小。欽先生之名。藉甚寰中矣。是歲君訪予草堂。贈以三絕。規行矩步。宛爾典刑。因酬來美。兼寓執鞭之思。

一操瑤琴休便休。長安車馬總悠悠。怪來大海西千里。能識芙蓉白雪秋。

武陵此處欲迷津。君自當年黃道真。儻值秦人勞問

訊桃花豈異世間春。

曾思彼美望西方。明月佩環雲錦裳。縹緲于今蓬島外。從君欲問返魂香。

和墨君微留別韻却寄二首

帆影如雲蔽海流。岸頭離席盡豪游。羨看揮手遙相謝。身在使君青翰舟。

鳳飛海上覓青梧。彩羽乘風落日孤。不是鸞鷺遊戲處。長鳴時復憶蓬壺。

爲想風流白接離。君家便是習家池。似聞太守時相過。應唱并州酒客詞。

奉餞猗蘭侯分韻人字時東壁已故矣

竹林大道接車塵。相送何辭酒態新。君看去年銜盃者。已是山陽笛裏人。

雪中謝木蘭臯惠琉球酒

道是天南貢餼餘。一壺分惠病相如。憑君忽憶金莖露。恰值梁園飛雪初。

示春菴生

我無九醞酌。宜城有客來。通春是名。何妨相迎都不語。援筮只得作鷓鴣鳴。

秦君熙載千里見訪俄爾告別作二絕戲之

徐福千年採藥來。子孫應抱先秦才。還從紫氣函關外。見我牛門信宿迴。

秦女窓前烏欲棲。來時艸色已萋萋。相逢把酒茅堂夕。怪爾回頭春月西。

君家窓裡女懷春。桂葉垂垂桂水濱。不爾千年秦氏子。看花寧作武陵人。

琴鶴君侯寄示登樓看月作陽春白雪和實難
哉漫成一二闋未知孰優併錄以呈

樓臺十二玉闌干。昔時霓裳映月寒。此曲今宵彈不起。抱琴深坐爲誰看。

桂花亂墜繞闌干。桂影婆娑女月裡寒。憶得十年金闕宴。嫦娥無恙獨相看。

早春小集花字

高陽酒客醉相誇。急管繁絃競歲華。不用慙慙和白雪。陽春只在楚人家。

奉餞西臺侯席上分韻啼字

離席管絃烏夜啼。何妨公子醉如泥。雙旌西去饒筵集。能得應劉到處携。

雨集分山字時子彬游湘中

寥寥今雨忽開關。濁酒相看堪破顏。獨有採芝人未

返南雲遙暗玉筍山。

次韻子彬馬上口號

朱門高闕北風寒。裘馬毳毼揚子干。縱有梅花寧可
問。只今江上是長安。

贈子帥之洛二首

憐爾看花去向秦。花時最是帝城春。青山周匝渾如
錦。欲醉祇應無故人。

君自北人堪弄筊。駿州一夜宿誰家。芙蓉峰頂千秋
雪。忽爾吹驚飛作花。

九月初二宿雨忽霽君瑞見訪遂作小集分韻

秋字

君嘗學琵琶中輟是日携赤
城游記相示盛以好樂見推

吾黨絃歌乘霽流。赤城山下白雲秋。憐君天際真人
想。不抱琵琶始識愁。

懷富山人

孟光相伴出函關。短褐犢車終未還。今說梁鴻誰得
識。空傳五噫滿人間。

理翁諸子見訪後寄詩為謝次韻聊答

屐聲忽厲輟鳴蛙。一日高軒揚子家。若問梅天近何
似。玄經寂寞燕泥斜。

懷富山人却寄

別來把釣武陵碕。看盡人間似奕碁。山裏斧柯已恙
否。桃花今日異昔時。

寄墟七郎山中

君自山中沮溺耕。棄官十歲一身輕。似聞不忘唔呬
日。猶爾挿書牛角行。

姬人怨服散分韻笙字調子和

洞房中夜忽聞笙。乘月巧爲求鳳聲。不是仙家貪服
散。那教玉女似雙成。

送石叔潭游函嶺叔潭嘗館潮禪師

曾從支遁罷談玄。又似許詢行覓仙。此去應登函嶺

望。祇今紫氣屬誰邊。

送鳳泉赴寶珠首座

尊者辭吾大道傍。苦從衣裏覓相將。行行只去休回
首。已見寶珠懸上方。

秋日遊蓮光精舍得多字子遷壁上畫剡溪

祇林高會發清歌。才子丹青照薜蘿。知是山陰能借
色。郢中白雪座閒多。

東奧人覓詩

聞說仙臺十二樓。金華山色映波浮。題詩我欲隨青
鳥。看盡扶桑欲盡頭。

雪

閨苑梅花世所稀。分明一夜夢遊歸。因疑仙子將長
笛。吹落人間作雪飛。

謝次公惠海月

今日酒杯何限深。開緘遙照故人心。可知君下珊瑚
網。網得海中明月沈。

分題折楊柳雲字

都亭車馬客如雲。爭折柳楊將贈君。獨奈風吹飛絮
起。驪歌未闋已紛紛。

贈子和赴三河二首

東方千騎下關門。澤國江山雨後昏。杜若橋邊春草
色。知君駐轡問王孫。
艾城高宴陪使君。驛樹遙連豐沛分。歌罷大風還一
望。飛揚猶似昔時雲。

德夫叔潭子帥見韓客館中唱酬成卷各和其
一詩

依然銀漢烟清秋。一笑還應太白浮。不識支機君自
有。人間謾向海槎求。

右德夫

鬱勃雄懷黯不開。忽逢八月使槎來。知君病起廣陵

色堪試枚乘七發才。

右叔潭

蓬萊清淺尚無邊。鼉浪偏迷韓使船。忽被君持瑤草贈。始知此處日東天。

右子帥

子帥從韓客游後子遷寄詩壯之卒和其韻
一揮誤恐觸琅玕。醉誦君詩如意寒。伏櫪還羞千里志。不知帶笑傍人看。

爽鳩子方祇役三河不與韓客相值及還縱觀
群作頗有悵然之色是日和予寄奧人詩因用

其韻戲之

嗟君新罷賦登樓。目送韓槎海上浮。莫奈文思紛不定。金華山色又回頭。

鼎也母饋橘南紀人也南紀物也

南州嘉樹后嘗栽。生子欲如屈原才。迺以陸郎懷裏物。慙慙千里饋吾來。

次韻雨權允奇童

雨家九歲真英物。綵筆驚人白日寒。知爾它時玄菟塞。萬言慷慨倚銀鞍。

題錦鷄畫

憑將五彩賤家雞。似是鳳皇毛羽齊。縱使吾曹誇錦字。顧爾逡巡不易題。

奉謝豫侯惠牋

持贈春雲飄欲飛。晴窗淨几暫相依。為君泚筆還堪惜。且載我詩何岫歸。

寄題琵琶湖

湖中春色映霏微。鴻雁連翩向北歸。一點君山天女廟。琵琶最是不勝悲。

謝琴鶴丹侯見枉草堂一首

君是其前朝侍從班。雙旌尚引五雲間。恍然來借山

齋色。昔日鈞天夢忽還。

酌醴焚香未盡歡。鷓鴣偏敵朔風寒。悔緣草閣蕭條甚。一夜徒歌白雪看。

寄題江州城樓

一點君山破浪青。千帆如鳥接冥冥。知誰倚醉城樓上。能使雄心滿洞庭。

寄題竹生島

昔時帝女下江關。石鏡深窺借玉顏。試去琵琶湖上望。蛾眉髮髻似君山。

贈武子忠

君是峽中名將家。家傳寶劍拂霜華。祇緣清世深藏匣。夜夜南天紫氣賒。

贈松子潤

江南才子太早成。開口能為律呂聲。似是洞庭張樂地。年年曾學鳳凰鳴。

用原韻奉謝

一。即如僧正和予普門之作見寄。併惠豐山茶。因心醉茫然歸路斜。歸家猶訝在君家。惠茶重試醍醐味。誦偈忽飛優鉢花。

超諸公子惠仙臺糲

仙臺公子玉為餐。一篋遙分粒粒寒。酬以惡詩還不妨。聞君已作瓊瑤看。

喪女和答蓮光上人見慰

祇樹無心動梵音。解言底事入人深。請知慣灑鮫珠淚。珠盡今朝血滿襟。

遊蓮光寺席上作二首

揭來始覺有生勞。鐘磬泠泠對白毫。欲向祇林深處宿。不秋忽起半空濤。

愛靜何妨青竹密。避喧便覺白雲深。不論現在與過去。香篆還灰幾箇心。

麟上人十年前赴東奧請訪余護洲之上。晤言
 連日矣。是歲西遊長安。特過赤城。致富春山人
 書。相約比還再見臨也。八月十七日果尋前盟。
 出示其詩。則瀟洒出塵。迥異往年。嗟嘆久之。作
 三絕句贈之。蓋亦二致意云。

白河關口秋風吹。總訝道人歸去遲。但說赤城山下
 路。低回曾有地仙期。
 道人詩骨已翩翩。恰好乘風萬里旋。身是金華山下
 住。儻逢昔日叱羊仙。
 驚看洞庭秋色波。已知朔雪暗關河。但憐嚴子灘頭

客。今日羊裘竟若何。

和卓上人見寄

携來妙偈秋含情。籬菊巖楓興轉清。病後難通濁醪
 理。坐教慧遠似淵明。

贈湖中二子二首

家臨湖水帝畿東。神女靚妝明鏡中。二十五絃風雨
 夜。知君伏枕泣孤蓬。
 江雲橫秋雁影閒。憐爾讀書彭蠡灣。為問山中臨石
 鏡。何人照得昔時顏。

寄潮上人

赤縣相看是幾年。不論東海作桑田。應知謫仙依舊
謫。如今靈一却解禪。

寄黑善君徽

扇頭蘭蕙色無渝。書畫風流誰得如。君自滄浪貪濯
足。而今不憶武昌魚。

同數子遊思川流觴得流字

東風吹浪沒沙洲。洲上遊人笑不休。櫻桃夾岸花如
舞。散逐飛觴點點流。

送君上人之京 二首

處處春風黃鳥斜。驛亭垂柳映袈裟。洛陽此去花應

好。一路淹留知幾家。

苾荔好事本無倫。詩酒飄然行覓春。到日東山春縱
盡。西山應有采薇人。

送管童子遊西京 二首

五十二驛莫言難。處處山川秋好看。明日先從函嶺
望。如絲大道連長安。

揮鞭意氣愜秋涼。才子奉恩遊洛陽。但到西山紅葉
好。錦衣相映早歸鄉。

走次南都兆上人寄示韻

何物諸天雲錦機。空中色相映霏微。縱然剪取能堪

贈不道人閒賞者稀。

贈高生

多病學詩詩已成。沈吟何妨喪雙明。且言徑寸珠無恙。論價還堪十五城。

奉和卽如尊者退院口號

忽聞退鼓破空濛。一鉢蕭然萬事終。猶憶名山京洛好。翩翩飛錫待東風。

和卓上人詩

蕭寺雪殘幽徑侵。相思欲問六時心。龕前日日香烟起。結作春陰不可尋。

謝田望之贈梅花畫

田郎留我梅花圖。掛壁曄如照座隅。知是屋梁落月色。故移疎影來相俱。

寄題豐王舊宅

絕海樓船震大明。寧知此地長柴荆。千山風雨時時惡。只作當年叱咤聲。

遊蓮光寺

清聽相看到日斜。酒酣忘是梵王家。援笙吹起秋風樂。忽報東籬欲發花。

舟中宴奉和守山世子見寄

平臺遙羨白雲秋。錦字翩然照碧流。偏似乘風聞鶴
唳。一時舟裏共回頭。

送仲錫之常 三首

平原一路惜熹微。匹馬迢迢客子衣。時自筑波山上
望。應看鴻雁向南飛。

征鞍北指古常州。憐子辭親此宦游。縱說櫻川春轉
好。風花看是白雲流。

聞說仙陂遶郭流。郡齋高倚海門秋。知君吟嘯月明
夜。時見浮槎近斗牛。

長藩大修學校興禮樂。廣集墳籍為海內倡。蓋

次公與有力焉。是歲藩侯在觀。次公從之。暇則
往來如織。攻經講律。旁及衆藝。綢繆殊甚。及其
歸也。作七絕句以餞之。若夫繾綣之情。悉之末
篇焉乎爾。

聞說關西造類宮。孟侯風化似文翁。三千弟子彬彬
起。作賦誰如褒與雄。

歲事新修鐘呂縣。國風十二被朱絃。更知千載幽蘭
譜。還向仲尼門下傳。

好文今羨漢河間。購得遺經壁裏還。太史著書君識
否。深藏其副在名山。

次公治律勝申韓。自說覆盆冤最難。還謂刑名非聖意。孔家司寇魯秋官。

文學優游飽主恩。宦成幾歲從熊轡。東行贏得多休暇。日日絃歌在我門。

門下衆賓醉不譁。爲君擊筑舞僂僂。別筵度曲遙相送。一路秋風青海波。

錦帆西盡青蜓州。赤馬關高大海流。料識愁心秋不極。回頭東望月如鉤。

徂徠集卷之七

文集書牘嗣出

享保二十乙卯年

書林

富士屋彌三右衛門
大和屋孫兵衛 發行

